

經部

詳校官國子監司業臣納罄

總校官知縣

校對官中書臣程 騰 録 監生臣陳太初 臣楊懋珩 琰

) -: 四得男謂之長男也向訓索為求尚以撰著言抑 THE PERSON NAMED IN COLUMN NAM てりの利用 一江常鎮道魏為 形撰 男男隨父也人實陽因根或 完成震說卦傳所謂震 對錯而相交陽必先交 根乾主陽

金安四库在書 音鎮索之字義大絕合小絕而切燃之令緊乃成大 數而求無形質之理氣耳愚謂索者交也梭之上聲 抑陽盛動於下陰開破於上而雷動於春帝出乎震 而有聲有光實無形質可求者也陽一交陰得名為 絕為索是交之義象也以乾之陽交於陰一陽伏於 三陽之氣足出地之象著此震之所以為雷因陽動 知牒着之法固因易之理數而生者因有形質之象 二陰之義則陽不終伏伏者必升升不遽升為陰所

大いりらんから 理極神奇者也此就先後天八卦言父母生六子以 震陽再交陰何以擬議之一陽伏於二陰之下必升 所以繼乾坤父母陰陽相交一交再交一生再生如 行之理氣也說卦傳所謂坎再索而得男謂之中男 有常矣擬之以水附於地而趙乎下陽隨陰以為流 為陽斯動特升而震動倏忽不測隨而流行則安順 而震動一陽夾於二陰之中乃隨之流行行亦動也 人家父母配合生育男女其事顯而理微事庸常而 大易通所

とうとん 萌芽初發者也雷動春生於下雲行雨施於上而百 第經營代父母之勞而與作述之事故以屯次乾坤 父母後有如人家初造諸事单創必得丁男繼生次 果草木皆甲折屯之所以取象立名也長男中男繼 次二男合體成卦而取象擬徳名之為屯屯者草木 寓於是易所謂易簡而天下之理得馬矣○是以長 婦倡隨子女續生成家造業人事日用造物化機皆 為序卦之次以長男中男繼乾坤総見陰陽相交夫

火三日至人三百二人 雨也雷也亦一物也此雲雷為屯言雲而在天為雨 獨氣雲者升於天而已得乎天之清氣也水也雲也 也何以不言水而言雲水者附於地而不離乎地之 氣上升之極必下降而入地地氣下降之極必升而 馬試思天地之間一氣而已清者成天濁者成地天 成雷升於雲中之陽氣亦因得乎天之清氣而成雨 上天此雷起於地而雨沛於天昭然其可知可見者 物也故伏於地下之陽氣亦因不離地氣之濁而 大马而解

屯元亨利貞勿用有攸往利建侯 事之占則尺蠖之屈以求伸龍蛇之蟄以存身精義 以為直之本也故元亨天地之木氣曲者必直而人 象解曰屯 元亨七之為道有曲直體 聚馬七者曲所 屯卦以雲雷相交而成之義 之道俱就天地初建陰陽升降開始之氣象言也此 在地為水也此屯之繼乎乾坤陰陽相交陽施陰生 人神以致用利用安身以崇德皆以曲為直利貞之

次三日車全書 一 己之義矣動根於静則動亦静也動根於静内動者 内動外險動而往則動而動矣心役於事非無為恭 謂盆立君者遇之則吉愚謂益使臣者遇之亦吉〇 逸利建俱也此為占者體屯之德而利其用也本義 得禹皐陶為已爱任已則勞勿用有攸往也任人 盖動而險非利貞則無以濟險開屯何庸輕動而往 以入險乎惟利在建侯竟以不得舜為已憂舜以不 義也既許以元亨而又戒以利貞勿用有攸往何也 大見通解 列

滿盈天造草昧宜建俱而不寧風當自為的言其氣 **象曰屯剛柔始交而難生動乎險中大亨貞雷雨之動** 有攸往而曰勿用有攸往 究未嘗動而外險所陷之陽必能出險獲濟其此 **彖傅明屯名義曰剛柔始交則一索得震陽來交陰** 造草味為 充塞雨間也本義合天 利貞之義也况又為任人不任已之道故不曰不利 之義本於象傳非臆說也難生者亦即再索得坎陽 一句解誤也 凡象傅皆叶韻此傳 即

之雷而成卦者震之陽待時而發為雷坎之陽不舍 動之理氣乃合為屯卦故云動乎險中以應人事體 傅言難生必根於剛柔始交者原天地之始二儀初 為險在地之形各取一義而無非坎中自具之義於 畫夜而形乎水二卦皆以陽而伏藏附麗於陰有必 剛柔始交而難生正見屯之繼乾坤而立卦之義合 再交陰之義而又别有説坎之為雲在天之象坎之 分五行肇起天一地六之數先生成乎水所以謂之

Kr Jos Camo in

大易通解

Ŀ

金ケモドと 盈天地之間皆雷雨之氣天地之為天地方當初造 柔之用互交在地則草木暢茂禽獸居之在天則渾 交而難生之義以其陽升雷動於下雲行雨施於上 上上則雲陰凝而雨常洩於下陰陽之體初分而剛 天未清於上地未寧於下下則雷陽動而雲常浮 貞耳既貞而亨矣又謂勿用有攸往者仍是剛柔始 之氣化日新即乾元亨也然所以大亨者必本於利 天道協卦德也大亨者水之下有雷水流雷發天地 卷二

次定日車全書 一 成無為之治不然直躬自倦勤而事權下逮哉夫屯 生民育物以告成功也故必本以無逸之心而後能 歷明時明農教稼烈山焚澤諸事而後可開創草味 為震動格恭而不敢一刻之稍安也 之為自強不息屯以陽伏麗於陰為體其不寧也尤 之不寧即乾之自强不息也乾以純陽之體君子體 足之烈所可理哉故必衆建諸侯分任平地成天治 **沌不明歲時無紀雅亂昏昧之世也此豈一耳目手** 大易通解 갓

泉曰雲雷屯君子以經綸 為雲者也雷動於下陽氣也即攻除之抑而為雷者 者見於事業之處雲滿於上陰氣也即震陽之升而 也雲雷之氣上下往來橫矗交互如其象馬君子惟 乃用經綸之事以體之經者絲之經也綸者絲之緯 陰陽有上下往來屈伸變化以為陰陽君子觀此象 也雲雷二物其中互有陰陽又各有陰陽有交相為 象傳曰雲雷屯君子以經綸經綸正是不寧之心外

**致定四車全書** 帝以前固宜存而不論矣然九年之水非無因而生 經綸者治緣之事以喻乎屯如虞廷諸臣禹稷益契 之業成輔相之功何以動乎險中而能濟能亨乎按 乾之品物流形各正性命也非體屯之君子著經綸 生機得振陰以靜應氣和則保合萬物各成性命即 陽陽氣宣暢陰氣固謐陽以動感時至則發育萬物 分任教養各効艱難之事也此屯所以繼乾坤也二 經之使如其常綸之使合其變俾上無涸陰下無伏 大易通解 x

初九磐桓利居貞利建侯象曰雖磐桓志行正也以贵 下賤大得民也 陽可無咎也然必盈歪誠存於中方能比於外五而 学比之无咎有乎盈在終來有他古以陰在下而比 經綸足以擬議之 不可知之吉終來也 初九變為比之初六在比初以陰變陽為屯擊以有 必雲雷瀰漫霖雨淋寫而後成懷山襄陵之勢屯之 10 10 1ml /11 /m 費下賤所以得民也傅似另取義然利建俱而不自 同於卦解者以屯之初九為一卦之主及耳卦之建 腾無致阻滞矣此即居貞也此即所以為利也建焦 險馬進而不輕進磐桓者待時而動動則震發而升 本文以陽變陰為比初為震之主文動而變悅知有 而行磐桓非遲也陽貴陰賤以陽居陰下故謂之以 候為天子建諸侯言初之建侯初即侯而宜建者也 〇泉傳曰雖磐桓志行正也正即居貞也志在居貞 大易通解

金好巴尼人言 六二屯如遭如乘馬班如匪寇婚媾女子貞不字十年 典要者類此蓋初為內卦之主故可擬議之為君建 民與臨以二陽居下而上臨四陰一義也以上臨下 民於變時雅得民為如何乎〇初九在下而擬以得 臣而水土平稼穑興五倫叔府修事和平章百姓黎 用以君而任臣正是以貴下賤克既得舜既得五 侯亦君象也公侯之類也非天子之位也 義也以下臨上即以近臨遠又一義也易不可為 F. 米二

ころのこのでしたよう 乃字象曰六二之難乗剛也十年乃字反常也 泉栗馬坎亦為馬卦凡三爻皆泉以乗馬此班如之 陰柔矣故其取象進不能進屯如遭如馬震為馬故 六二變為節之九二在節二以陽變除為屯有不出 而變為柔悦之徳文雖為陰變陽而其卦化陽剛為 在本文變陰為陽為節以女子之事擬之者震動體 出險乃不出户庭所以凶也 户庭之凶節卦為冬今之氣化變屯以當動而進以 大見通解

金グロたとこと 終不字者乎十年乃字雖遅久而不失其婚媾之正 義也馬者戎事之御今以陰柔乗馬而犀進則匪寇 貞以為出險致亨之道也明矣 陽維紫之難字二貞而不肯字者雖性柔悦而有中 何傷乎故不繋以凶悔咎本之辭占者得此必利居 泉傅言六二之難去聲讀可作平聲讀亦可以其乘 正之徳所以不肯輕字也但柔順中正以為貞馬有 而婚媾為宜矣二與九五正應宜其速字乃因近初 N. Carlot

欽定四軍全書 取乎故又以女貞不字以明其理為後世妄以柔悦 具悦體恐所以為動者不出於貞則雖出險能濟何 齊屯之義今二復以不急進為貞何哉以其除柔而 貞以待字女之正道也如此之女宜其速字而至於 剛所以欲字正應而又為初陽所繋能不輕動而居 以不可易哉○屯之為卦原以震陽上升得出險為 而不易者貞也雖反乎常而十年亦必字馬常之所 十年乃字則似反乎經常之道矣不知變易者時也 i y 夫も近解

即鹿无虞以從禽也君子舍之往各窮也 六三即鹿无虞惟入于林中君子幾不如舍往各象曰 震變離以火之陽進濟坎陰即以火之剛明以克坎 六三變為既濟之九三在既濟之三以陽變陰為屯 不能出險者多矣 復勸之也果能久貞何險不出何必失守妄字或反 之柔臉也因三隣於外卦故有髙宗伐鬼方三年克 之道取媚濟險以為功者示戒也十年乃字既戒之 飲定四車全書 震陽上升乃入於險中陰盛而陽不能流充祗助雲 險乃言知幾遂舍者何也屯之為義以震陽之升升 之之泉 氣之凝塞不能成雨澤之和暢故泉以即鹿而无虞 也鹿陽物也有虞則能獲今無以為具應自入於林 於坎中而後引坎中之陽下濟則雷動於下雨施於 在本文以陰變陽為既濟亦隣於外卦不言進克出 上之象也斯能成品物咸亨之功令三爻之陰雖隨 **长二通解** 

陽為主震之文盤桓居貞則陽足而出震建侯辭同 異所謂培萬里之風也〇以上內卦三爻震體以 怯也以知往窮之義故必思六月之息以養圖南之 象傳言即鹿无虞豈可名為從禽乎君子舍之者非 莫此為宜矣舍非終舍也培此元陽以元致亨而已 陽東弱坎陽閉陷險必不能出舍而不即免其悔吝 中陰幽之城矣故戒占者當見幾而舍另圖得虞方 可即鹿而致獲耳必震陽充盛而坎陽斯能流通震 初

六四乗馬班如求婚媾往吉无不利象曰求而往明也 馬 有外慕之衆義不如守同於二隨初陽而開屯故有 六四變隨之九四在隨之四變陽為屯繫以有獲貞 卦者正見主卦經綸必自初初必陽足而後可用屯 見機而含之辭總以初陽充裕為屯開險平之義泉 而為婚媾又必守正為從雖遲無咎也三則隣外卦 也二以除乘陽以隨初陽方可動故陽起薄陰似寇

CEDE Alema

大易通解

+

金どした 其情遂有匪冠之解四則直許以求婚媾為吉而已 動不同於二之應陽而來二乃震體故動而不可知 陰夾陽隨之而流行故亦為乗馬班如之象隨陽而 四必附五有孚方合道也 道以明乃无咎有孚且明合乎道矣何咎乎魚屯義 在本爻以陰變陽為隨繫以乘馬班如玖亦為馬雨 **凶隨而執固所以雖有獲而貞亦凶也必有孚而在** 二所疑為冠者惟恐其比於初之陽而婚媾之情

占者婚媾之失貞同於六二者也臣妄之道舍此安 何如乎在險中者必以明為本明而後能貞此又戒 方可往而得吉見婚媾之事和而有别方為夫婦正 之貞故明示之以求而可往謂必待陽之求而四陰 除無難矣象傳恐人認爻辭之求為四往求五失女 五之文以陰與為婚媾往而去无不利自足相為濟 **嵩四則隨陽居險不必更言冠惟求婚媾而已四附** 理待求而往與不求而往或反求彼而往馬其明晦 大易通解

金写巴西人三音 九五屯其膏小貞吉大貞凶象曰屯其膏施未光也 能流行不息也所以無悔 凝固則雨澤之膏屯而不能下速矣更繫之小貞吉 敦復以其變屯故欲陽之在陰中者充足隆厚而後 在本爻以陽變陰為復中陽變陰而不能流行閉塞 九五變為復之六五復五以陰變陽為比坤體故曰 在二陰中為明乃暗中存明也 從乎○貞悔二爻辭傳皆言明以坎險必闍然一 陽

敢定四車全書 ~ 貞之徳陰也四徳在乾首卦如此六十四卦三百八 於大者陽也陽主施者也即乎陰者也如亦貞固而 不流行而不凶乎此大貞凶也凡元亨之徳陽也利 不流行則屯膏之凶在雨澤尤顯著者天下何事陽 主而守貞不字待求而往無不吉馬此小貞吉也至 則從初陽而上升在坎則從五陽而下降故婚媾為 也陰無不從陽而在屯卦之陰爻更主於從陽在震 大貞凶者何也小者陰也屯之利貞為卦之陰爻言 大見通解

上六乗馬班如泣血連如象日泣血連如何可長也 莫益或擊之戒正變屯而澤不下益當損上益下之 貴於發動流行也此大貞凶之義也 其進五戒屯膏而以貞為凶二爻皆陽也大也在屯 上六變為益之上九在益之上爻以陽變陰為屯有 流動則陽不充周而陷於陰中故初雖磐桓而必弱 與五在初不震動則陽不升起而伏於陰下在五不 十四爻皆如此也此大小之義也本卦之陽爻惟初

時惟思益已必反致人擊矣 在本爻以陰變陽為益繋以乘馬班如泣血連如者

風行雨從何施占者得此泣血連如以除傷也盖人 雲行雨施之化今上變陰為陽是變坎為異五陽之 乘馬合諸爻為象血陰類也上陰居五陽之上正賴 上復加一陽陽無所屯但上升而不復下濟矣雲散 此陰以從順者為衛護使陽行陰中鼓蕩周流而成

設定四車全書

. Q

大易通師

心為至陰心傷而泣血亦陰類故曰泣血連如誰謂

遇合以正五爻則主外卦者陽不足而屯齊則施不 矣上爻居極無濟陽行化之能亦得凶馬總見坎陽 光矣小貞以畜陽則古大貞而陽亢則不能雨而凶 解以開屯也四爻近五故象以婚媾隨陽行化亦必 散豈能久乎○外卦三爻坎體以下震卦之陽升而 聖人擊爻不取於象數哉特人不能窺測其涯際而 已象傳曰何可長也陰傷則陽亦無所附麗陰陽離 雲則坎體之中陽足復降為雨澤水雷轉為雷水

The Mark Strate In **必期之進而上升於上卦之坎陽又必期之俯而下** 散開破雲雷之勢方出險而濟屯也於下卦之震陽 升而出險然其經綸之功能則貴於使之升降往來 初交又為通卦之主交也屯之為卦雖欲陽動而升 而坎陽方流動也此五之主外卦為外卦之主爻而 在中貴足而以二陰濟之行化方吉又必震陽振起 降二陽交既交四陰爻亦必期乎隨陽以為升降正 也故經綸者皆使之連絡交互而成物利用非謂解 大易通解

金罗巴尼 蒙長男中男相協而理則家業開創其始矣中男之繼 民上 間間 固然有長男次男遂有中男少男男俱隨父坎下間間 紫與屯綜亦四陰二陽之卦陽少貴陽根乾 謀為雨賜寒燠之調劑者何非經綸之功用耶 而萬物以生失其和而萬物以死則聖人以肅人哲 艮三索而得男是謂之少男少男中男續起底而且 根乾主陽 與大泉傳經綸之義泉相符也再雲雷之起止聚散 何非陰陽之氣相上下然為屯為解不同矣得其和 卦 也 という 卷二

務哉○艮之為卦一陽居二陰之上陰培積而厚盛 生耳以髙山崇土取象最確合乎水而成蒙者山在 之氣也厚者除而盛則陽艮上一陽亦陰之培積所 富逸居而無教則近於禽獸此蒙之所以序屯後也 即矣蒙者草木暢茂之義原以山高水深成其幽暗 水必愈深水愈深則險愈極山之高雖可見亦不可 上而水在下山之萬可見水之深難測且山愈萬而 家者天下之本也經綸草昧之後與修徳教治急

文三日中 在三日

大易通網

ナセ

蒙亨匪我求童蒙童蒙求我初益告再三瀆瀆則不告 利貞 なりしん 蒙昧此山水為蒙之象義也然蒙宣任其蒙乎蒙心 **慮而蒙不終蒙亦猶山水險阻茅塞弗通必開間披** 鐵刊木導泉始而豁然人斯大通矣此亦蒙之因象 思亨亨不自事必有事之者方得顯微開幽發智啟 **彖辭曰蒙亨蒙必求發蒙致亨也彖辭不為蒙者立** 以取義之吉也

· 政定四事全書 一 靳也大凡占者必先定志志一則誠有益必應若二 明之聖人作易開物成務循必待占者至誠常一之 童蒙求我乎不情不放不悱不發之義也有來學無 言乃為啓蒙者示訓何也孟子曰天之生斯民也使 心來求斯一盆而即告如再三漬漬則弗告非有所 往教師嚴道尊惟自成己而後能成物耳又以易理 之率謹矣既為啟蒙者立訓何不令其求童蒙而必 先知覺後知先覺覺後覺也故蒙者之教立而蒙者 走易通解

則而協其動靜明其避避馬亦如童家之質疑問難 後徴之於盆以合乎數方能會微妙之辭獲中正之 必先審於情事晰其義理或得其至當而就正有道 貞即正而中也先就其時審其事明其理定其志而 告之然其間吉凶禍福進退存亡必不一其辭矣辭 不一而無所適從雖告猶弗告也故終戒占者利貞 易之盆也未有盆而不告者也盆之再三亦必再三 二其心志中無所主徒清擾乎思神何以為告乎夫] 欽定四年全書 一思 則不告瀆蒙也蒙以養正聖功也 求童炭童炭求我志應也初益告以剛中也再三瀆瀆 **彖曰蒙山下有臉臉而止蒙蒙亨以事行時中也匪我 彖傳釋卦名義曰山下有險就二卦之體言之也又** 宗而聖人天何言哉之訓不更深切著明乎 平言語紛紅耳老莊墨釋且言無言為教雖俱非所 學者受益實弘也如徒日事於耳目之粗迹是惟求 或未盡於两端而深究其用中便教者言不多指而 长 号通解

等之施且中而無偏辟之理以此啟蒙不必有意圖 亨而亨自致矣匪求童家必童蒙求我者童家之志 亨非時則非中也不中則無當於時也既時而無躐 所以亨者必以亨道而行其時中之教方可啟蒙為 多淺山下止水則常深兵魚二義為蒙可想見馬蒙 切平地之水流多緩山下之水流多急山下流水或 愈險矣愈險則愈難測故無體德以言蒙蒙之義更 東以險而止者合二卦之徳以言蒙也然險而止則 次で可言へ云う 者也惟恐瀆之使本正者無以養育而成全之耳倘 求也何也童而蒙馬赤子之心渾然中存未有不正 失其誠以濟於偽耳故不告非新也正以慎處乎蒙 者乎恐以雜亂塞蒙之心思志應使之狐疑猶豫將 誠再三之漬問志分而不誠欲告之豈惟漬於故蒙 能順蒙初心之至正者而以耑一至誠之道養之則 先誠一為感方以誠一應之然後時中之教可以行 不然奚望教之入而道之行乎初筮之剛中志一於| 大易通明

象曰山下出泉家君子以果行育徳 シケモル 心電 成聖徳又何疑乎 象傳曰山下出泉君子以果行育德果行者泉之所 之不失其正者則聖人所以為聖之功也孟子曰大 盡人道矣天道合人道盡聖人之誠徳也而所以養 全乎物與无安之體合天道矣存乎天命為性之理 以達其源也育徳者山之所以登其極也四字盖山 人者不失其赤子之心者也童以養正而為聖功以

הלווו לושות היותו הו 以正法也 初六餐家利用刑人用說桎梏以往各象曰利用刑人 於急公之義故令其遇往而復戒以酌損也皆今安 優悠漸漬者 弘江河之始不過濫觞也山以漸培而愈高泰山之 初六變為損之初九在損初陽變為陰為蒙恐其昧 登小乎天下也此皆童蒙養正用聖功以成聖徳之 水並取象而非耑言出之有漸而已泉以愈出而愈 大易通解 Ē

金ラロピと言 緩其事說桎梏而無所防範則任情以動流於匪僻 悔艾太甲之遷桐伯禽之被複皆此文之義也如寬 其各可知矣此說似與本義異然觀象傅正法之 教正此道也如童蒙之幼碩劣已甚必有戀創方能 之教戒如刑人之迫為無以啟誘之所謂明刑以弼 在本爻以陰變陽為損涉險初步蒙晦尚固非嚴竣 **呼愚賤之分也** 似無說桎梏而縱之使往之解遵本義何如遵傅耶

一致主四車全書 九二色蒙古納婦吉子克家象曰子克家剛柔接也 大哉勿為耳食者所以 染作新之令也漢以寬大除秦之與然漢法何當宛 象雖太上以寬服民然必在乎重熈累洽之世非去 庚之遷周東京之立皆尚嚴而不尚寬正是蒙初之 床以辨蔑貞凶變順為險剥牀雖未有與而茂貞則 九二變為剥之六二在剥二以陰變陽為蒙繫以剥 又如亂世用重典所以開發頑民服馴新政耳殷盤 大易通解

包蒙亦有和衆兄弟以友恭之象宜於兄弟也此中 所以齊也故先有包蒙之德而後能納婦得吉也且 室然必有刑于之德故首曰包蒙吉者率衆陰不齊 男之所以克家的順其父母也九二陽剛中正之徒 之德而無不包於九二陽體除用剛柔相濟此家之 陽之泉義如剥五以宫人寵也男子生而願為之有 本文以陽變陰為剥何所取乎以陰剥陽未常無配 不能出險以凶矣 飲空四車全書 六三勿用取女見金夫不有躬无攸利象曰勿用取女 行不順也 麗之象也傳言剛柔接正以陽交濟變於陰言必指 時更為至善此舜之徳服帝女仁爱傲弟而底豫頑 本文為有據 之義易既不可為典要就納婦之爻解言象傳似指 為二五正應亦可然五之童蒙之吉似無下應九二 而能濟以陰處天下國家何不宜而用之於蒙晦之 大易通明

克家而應上九擊家之為冦故戒占者以無攸利象 大谷也 傳曰行不順變異而進為順然在險終而員進不知 躬月險而不知進遇應止之位含九二內卦包蒙之 而思進如女之失貞靜故戒以勿取也見金夫不有 在本文以陰變陽為盡則以取女為戒坎變異忘除 進而阻於險矣故幹盡用進而遇險則小有悔不致 六三變為盡之九三在盡三以陽變陰為蒙異變坎

教於外之道與家教不同故無婦女之衆參於其問 家教之與始於夫婦之義於外卦艮三爻言蒙則成 教之義不妨無家國而言教况外卦之樂冠言教且 盖内卦之教教子婦也外卦之教教子弟也內教何 以言刑人乎刑人者以嚴訓為喻耳然初爻又有初 而克家如取女得見金夫不有躬之人則勿攸利皆 以上內卦三爻皆言中男初教宜嚴包蒙納婦則古 自止則大有不順不可以異進為論也

CA TOTAL LIKES IN

大易追附

金字口及人 六四因蒙春象曰因蒙之各獨遠實也 者致辨馬 兼兵矣兵刑皆教化所以匡其不逮者也〇内卦三 也六四商之不及求之退也上九師之過由之兼人 於初宜敬二色蒙克家而吉三宜內附而外應不順 也凡童蒙之求者有此三種故列於外卦以為啟蒙 故以包蒙為主交馬外卦三交六五中行之士顏曾 交坎險之體德以中爻主卦初三兩爻附之初發蒙 

アングランストラー 関 務定此所以為各也且學以實為貴必止而不見異 在本文以陰變陽為未濟以民體止德變離體明德 未濟至外卦既濟矣離體明德變而為艮體止德故 六四變為未濟之九四在未濟之四以陽變陰為眾 以為明虚浮誇大之學術為人而不為已尚名而不 似蒙而可亨妥而反為因蒙者蒙不自以為蒙而自 久而有功也 利於貞斯悔亡正而持久三年克敵有賞文明以止 大易面質

金好巴尼在書 六五童蒙古象日童蒙之古順以異也 散變止則非海也海其大號而天下之紫俱發兵海 六五變為海之九五在海五以陽變陰為紫海變蒙 諸巴之道固巴自昧矣其義亦相通馬 遠於陽亦確但遠於賢知不親近以求亨蒙則實求 妄動以為明各何疑乎象傳曰獨遠實也本義謂獨 思選方外而有得若方蒙而恃其明不能止善而又 王居而天下之養皆正養矣故无咎 龙二

淡色四号 各百一人 滿假就正求益之道吉何疑乎 明言異順不言卦體非解矣〇六五本有柔順中正 言順以異也正言變艮為異原存者已成之止徳而 在本文以陰變陽為沒繫以童蒙吉者變艮止為異 之徳此已成之止徳也而又為異進正合童蒙自不 正之吉也養正之聖功何非異進而順致者乎象傳 進止不自止必求進益乃開蒙致亨之義也故象傳 又變為異順之德故為蒙卦之主位而合於童蒙養 大易通鄉 E

上九擊蒙不利為冠利樂冠象曰利用樂冠上下順也 亦戒强凌弱眾侮寡也必有蒙昧犯道傷義擊之以 開發其蒙使之服教畏神革心向化可矣非為利其 弱攻昧如湯之伐葛文之伐崇是也戒以小人勿用 之道與教化輔相而行以大君之命開國成家而兼 在本文以陽變陰為師有擊蒙樂冠之眾不利為冠 恐其近於兼併功利之謀耳 上九變師之上六在師上以陰變陽為蒙師者用兵

次至四東全百 ~ 正為冠耳與此文之象正相近而著戒切矣惟五陰 排詬結為仇讐成乎朋黨後世如朱陸程蘇之門人 **樂冠亦不過啟其蒙何非順徳乎如為冠則非利北** 上之擊蒙是非争辨至如聚訟甚且各東師承以相 馬之貞無論上下皆非順也 相發明馬〇象傳言上下順以變坤而得順之徳耳 土地人民而為冠盜之行也與師戒小人一義而互 以上外卦三爻以艮為體四之困蒙困而不學方吝 大易通解

エンモノんご 弟為先外教人以勉困知求異進為務耳且初之刑 蒙卦内卦三爻所言皆教家之事而初以刑人言近 與兵聖人不得而用之完之內教家以率妻子宜兄 事而上以樂冠言遠則易泄故以兵振教之終然刑 則易玩故以刑弼教之始外卦三爻所言皆教國之 馬 柔中正乃童蒙而可教以正養作聖之功者故得吉 人以朴作教刑言也上之樂冠以遠以講武言也即

次定四車全書 ~ 卦之主爻也 教無思不服而教化乃行於至遠是艮止一爻又通 再大象以果行育徳取義於山水者水必達其源於 也以此主蒙上與二兩文分主內外卦明矣然蒙之 之登高必自平水之行遠必自邇也皆漸致無躐等 初交見之山必登其極於上交有馬而中四交則山 五之崇實勵志何非忠信進德立誠居業之切功平 二三之閨門内則何非關雎鵲巢二南之風行乎四 大易通解 千八

坎乾 需屯蒙無所繼根於乾長男次男成屯次男少男成蒙 之隨父也 轧叙 中男為家俱陽也故曰根於乾即坤亦附於乾如母 也根於乾也何謂根於乾合中男長男為屯合少男 所以根乾從父也需訟無所繼而根坤有說乎需以 屯蒙二卦四陽二陰以陽為貴為用然其體亦陽何 神以為易 之事 與 門根繼相 也於也綜 其四 承陽 按二 者屯蒙由主除之卦除少 陽貴 二隆 卦枨 後坤

次定四車全書 觀於卦之辭傅可知主陰必根坤矣以人事言屯蒙 陰少主陰根陰乎此需之所以無所繼而直根坤馬 世後仁非需則近功小效豈王道可大可久之圖乎 後序需養則明農教稼耕九餘三教則漸仁摩義必 陽必以陰為根所以以需持其躁而歸於父寧止以 故列之於乾坤之後也然何以根坤天水皆陽物也 地六成之天地始生之物仍是剛柔始交難生之義 水天合而成卦水者天地初生之五行也天一生水 大易通解

之生嗟時雨之待澤雖聖有桑林之禱禮有害祭之 不能需所當需未有不躁妄而失其據矣再如雲漢 乎四海需者順水之性也過顏在山則逆水之性而 應需者俱可觀象取德於斯 文然升中告處致敬盡禮完俟誠意之徐感陰陽之 水天相值而為需天之高也水之遠也盈科而進放 世而為明新之極也然易之為書廣大悉備凡事之 此需之所以為君子親賢小人樂利將以合天下後 需有孚光亨貞吉利涉大川 光亨元亨者自然之道光者積久方至之泉篇實之 謂正是兢業小心守靜御動誠一之東既孚於有素 教辭曰需有孚需歸一於有孚凡需非逸居肆走之 自和而後雲行雨施潤澤萬物直容迫而致之如暴 天人之應必協於當機需之正義也不言元事而言 久乃有光輝在上之聖人非一日之積徳而能光被 匹之虐戮巫之謬哉 大易通解

金定四库全書 疑乎盖有孚者乾元剛健之德也以陽德為守之體 得一以為守涉於險者自發攸往之利利涉大川何 有孚而後能光亨占者叶此孚徳乃致光亨耳此無 以主乎乾即以陽德為行之用以濟乎坎坎中之陽 即乾陽也其濟險之德亦即自强不息之德也卦雖 不期乎光亨自得由中形外之功用矣居於夷者既 四表在下之君子非一日之修身發潛德之幽光需 他義利貞而已貞即孚也利乎貞者守乎正以為需

有乎光亨貞吉位乎天位以中正也利涉大川往有功 也 **彖曰需須也險在前也剛健而不陷其義不困窮矣需** 同兵盖為占者申明當需之理數也需而名之曰須 **象傅釋卦名義首以險在前為言於象辭已做有異** 異而陽同陽至一無二者也有此陽德而能需久所 以用除者在是矣

ציווסים לולים

大易通解

手

須待也待以為用也待而似勿用正所以為用也凡

金ダビアノニモ 事之遽難得理者正為艱難險阻在目前急遽尚且 陷也人見需而遲滯似陷溺而不振作不知剛則不 斷不能倖成見小欲速反致於不達故須必待其時 動則已動則出險而有功此剛健不陷之道即有爭 險無困窮之道而得光亨之效矣何也以剛健而不 以觀其變審其機而後履險如夷守靜御動險不成 以私意僥倖而冒險健則不以疑慮猶豫而失機不 而利貞之義也明乎需之為需主乎乾之德濟乎坎

大小月山 江山南 他之應乎外者也且言天位則五方足以當之徳不 可見乾之內也位乃作覩坎之外也二卦雖分內外 乃重五爻何也乾體者陽徳之備乎內者坎用者陽 於貞為一卦之主文矣剛健不陷於險似言乾體而 於九五以尊位而備聖他所以能有孚能光亨能利 之用則卦義既得而彖辭之有乎光亨貞吉俱歸之 川而往有功其利為何如乎象傳申明險在前固為 而陽德則合而為一者以此德為體此位濟用涉大 大易通解 圭

金少世屋と 象曰雲上於天需君子以飲食宴樂 象傳曰雲上於天大旱望澤心瞻雲霓雲上於天雨 為生民之大事非旦夕可致之效也 是需之次於屯蒙需之久而開天闢地遂生復性猶 **放蒙猶必相需之久而後能成成則永永而無弊矣** 也莫不以水為臉故經綸草昧以開屯果行育徳以 將至矣為需者慰其懸懸正見不必更有所為惟飲 凡應需者立解以盡其意但屯之水雷也蒙之山水

時行而行也時靜而靜也將必有時動而動也動靜 體言之正與需之得宜為止為靜其理相協也以此 言飲食宴樂其無終食之間違仁須史不離道之義 不失具時其道光明光明之道非光亨乎在民之止 以時中為準時而需也需所以時止而止也將必有 則單點随巷疏食飲水也樂不以窮達有異而道則 達而在上言虞之喜起周之宴鶴也以窮而在下言 食宴樂以需之而已飲食宴樂者非逸佚縱恣也以

人子可言人

\*\*

大見通解

一初九需於郊利用恒无咎象曰需於郊不犯難行也利 金りした 僥倖遠矣 為需可識矣○即就常占之人言利負以需時守靜 亦靜也愚謂何妨言靜亦動也乎動靜異而有浮則 憂憂即是樂也需之靜止無非待動而行程子謂動 而待動亦與夫君子居易俟命近而去小人行險以 乎故曰君子無入而不自得馬又曰君子有終身之 至誠之純也純亦不已何當有一息之間哉需之 11-1 卷二

用巨无谷未失常也 期孚方无妄動躁進之咎馬且需而變井郊乃宜井 井變需需以養物宜速勤其功也 初九變為井之初六在井初以陰變陽為需繫以井 之地也并田之經界以自郊遂始又利用恒亦三代 異異進以為用陽體陰用也宜郊遠以為用恒心以 在本爻以陽變陰為井繋以需郊用恒无咎以乾變 泥不食禽所弗居正須急淘汰其泥以滋其養何也 大易更好

金グロルノニさ 有言以吉終也 九二需于沙小有言終吉象曰需于沙行在中也雖小 擊以動而喪萬已有輕動之羞矣勿逐七日得反子 俟命不失日用常行之道即需也奚咎哉 九二變為既濟之六二在既濟之二以陰變陽為點 犯難即不行險也又曰利用恒无咎未失常也居易 以陽徳乾體不肯輕進合於剛健不陷之卦徳矣不 分田制禄之法耳○象傳曰需於郊不犯難行也初 卷二

九三需于沉致冠至象曰需于泥灾在外也自我致冠 J. 10. 1 J. 1 . 1 退濟其陽剛之進則需於沙而中立於不夷不險之 憂懼之心幸其離明遂有商權之言然能以陰柔之 交彼此恭看其理數方備筮之外方得之 間不陷之義曉然洞悉亦必能仍全其陽剛健不陷 在本爻以陽變陰為既濟乾體變離不能剛健而有 **陰柔中正則得萬必濟矣正為變需不應急動也** 出險能濟不致困窮也終吉者亦七日得之義也變 とううか 五

敬慎不敗也 金发匹人在章 **隣於險失其爽境之據次於下濕之險需於泥之象** 也需泥泥未入而陷於險然兑體上缺傍乎潤澤自 在本文以陽變陰為節乾體變兌除柔而具悅徳又 无谷者無所谷也 **柔金變剛金澤竭之象故應節不節則有嗟若之占** 洪其段防則犯難矣決口受水閘門揖盜也致盜之 九三變為節之六三在節三以陰變陽為需兑變乾 卷二

大男通解 德初變異以異順為不犯難利用恒常初需之時正 者之不懼而有知者之不感惟守乎貞孚而仁全則 宜從容眼豫以退為進也二變離以明為健雖無勇 則仍不致於覆敗凶各耳以上內卦三爻陽剛之體 猶可免山谷也所以象傳曰雖需於泥矣災外震隣 至必矣不言凶咎者不自喪其防維但需亨於險阻 知勇俱優矣三變兑以健為悦有以悦為進之象分 而不切膚果能敬慎以守有学之戒徐待光事之吉

金ラロスで 六四需于血出自穴象曰需于血順以聽也 至必敬慎為守仍以剛健貞孚為不陷也故不言凶 中陰柔不決次且而疑阻牽羊而難進共不當用壯 六四變為大之九四在大四以陽變陰為需需於險 附之成卦初附而三不附分言見中為主也 各以改悔而免之也內卦乾之三爻以中爻為主卦 為口或以言語爭勝而思濟險者尚口乃窮所以冠 二需於不險不夷之間得中道也故終吉初三兩交

次至日本三三 陷而出險也在大四臂無膚亦血之象血乃陰之或 言不信陽變陰無所信從需四順聽陰而從陽聽之 臀而無膚膚者陽也臀者陰體在上之下也去四間 象傳言以順聽也順者陰徳聽乎五陽之命以為不 歸於不陷出谷遷喬之義也亦不言凶谷需得宜耳 需於血雜乎陰險之中而自出穴已入厚陽之類終 **夬悔反亡者以需為夬得夬之正也** 在本爻以陰變陽為共剛健不陷之徳既有孚矣雖 大易通町 ŧ

九五需于酒食貞吉象曰酒食貞吉以中正也 陰變陽以從陽而濟陽故元吉也 義也二爻恭看其義愈明 能有孚利貞於致泰之前也未泰而求泰既泰而終 本文以陽變陰為春能持盈保春於既泰之後由於 貞以為吉也即象辭之貞吉也此所以位乎天位以 不敢自以為泰飲食以需即大象傳之飲食宴樂守 九五變泰之六五在泰以陰變陽為需為歸妹元吉

次定马事全書 ~ 之客來敬之終吉雖不當位未大失也 上六入于穴有不速之客三人來敬之終吉象曰不速 月望陰盛則陽徳之君子征斯必凶矣 陰威陽哀既雨既處陰徳已能載矣若更濟陰婦厲 正中之心無以存仁德而居君位也 食貞吉以正中也一終食之間貞吉不違仁也非得 正中之徳立剛健之體為本卦之主爻馬象傳曰飲 上六變而為小畜之上儿小畜之上以陽變隂為需 大易通解 文

言非謂上六也本義疑之以為未詳指三則無可疑 之所與也敬之何所失哉位不當指來客內卦三爻 於內耳敬之與陽合德何弗吉乎九三之陽上正應 試再玩小畜之上九尚徳載正合於需上六云敬終 也然乾體以二為主初三附之來則陽類俱來君子 也小畜以一陰畜五陽上變陰而附陰則險終於險 然變陽則陽必應不速之客三人來思濟險以拯陰 在本爻以陰變陽為小畜陰雖盛極險極入於穴中 於定四東全書 ~ 持在上雖入於穴中而必以敬為出險敬慎之交洵 徳主孚俱一義也在三雖視外為冠而必敬慎以自 雲不雨至上九而既雨既處則自密雲以致既雨皆 往來主客相與久要之道也正以變小畜厚陽畜於 飲食晏樂無不敬而安所止之義相照〇小畜為密 處終之道中需卦以敬之義為內外之終正與大象 除不可不相交以敬信敬信乃陽徳之中主者也尚 矣故戒女陰威而尚德至需之敬則與三陽以敬慎 大易通解

か 徳戒需之陰失於敬慎無非為陰謀即無非為陽謀 需其自雨是二卦皆以雨喻陰勉小畜之陰敦其厚 行於中耳需於沙非郊非泥故謂之中小有言而能 外亦謂之行如行文之行是其義也此二爻之行則 行之為義水之行於中者也又水之行乎中而溢於 陰德之厚尚之而足以載物也合之需象雲上於天 二泉傳言需於沙行在中也來易謂行為水朝宗按

をこううことろう 卦四上二爻陰也以從陽為義何主陰根坤乎需者 故論卦體徳必主陰根坤耳 陰道也五爻主卦,陽也而需必貞馬則陽貴以陰濟 於陽而終吉皆主陰以從陽為吉馬 天下平之義象也四以順聴於五而出穴上以助得 需以出險以明濟剛終吉可知 同大象以安貞為需道所以待徳成業者乃無為而 以上外坎三爻以五之陽剛中正主乎通卦所以辭 大易通解

訟養與教雖繼起而養厚者必争教哀者訟起所 乾坎 需以險在前而剛健不陷以處事言也訟以險居中 而剛强思逞以存心言也雜卦傳需不進以不進為 クロノノこう 水遠天鳥而安居靜守訟以天鳥水遠而欺公競私 需者飲食宴樂之間敬慎不存而繫隊已肇其需以 訟不親不親而貴使之 縕馬耳 卦皆自乾 乎需 俊 與屯蒙二 **綜除少貴陰** 根監主 隂 义 卦 根 坤 根無 乾 Ρή 繼 以綜 坠 U 赐

C. 10 ... 202. 遂有公私其私者為陰公者為陽又自一太極中生 為善矣論其與性合一之情也人之性情不能皆公 情求情之義象也聖人無訟之原在無情者不得盡 無情究之情亦有公無私孟子云乃若其情則可以 其辭是情而虚偽如無情也情雖有公私以私情為 出兩儀也故訟之中有是非聽斷之者有明問皆以 陽德中生出人生有性性理也除也轉生出情陽也 訟亦無所繼而根坤何説乎訟者除險之事自天水 大見所們 =

金グロ人 明則仍復乎陽之本體此大學所言大畏民志謂 發於性本為中和也變為訟而陰邪泰之曲直是非 之不建也天水本皆陽由繼善而成性性命於天情 有卷與教之義象需所以待養之甚久訟所以彰教 行詣之邪正亦為主陰之泉義也與需相綜根坤亦 陰之卦列於乾坤之後而根於坤就人之性情明其 故於聽訟可明其是非審其公私是以訟首四陽二 知本也然情也志也皆陰也故主陰根坤無疑不 P

in The Date Alate **陰之**義 可觀玩而得其動靜變化矣 曾不假托馬外則正大光明內夏城府機械聽訟而 卦以明其泉剛健中正陽德也而的然日亡之道未 不明此象何以使無訟乎故取象繫辭而訟之為訟 清感刑賞倒置訟之所以不能無也聖人憂之立訟 掩不善以著其善藏其隱曲而表其公直於是是非 天高聴早監臨微闇然日月離明不照深險無情者 大易通解 學

訟有孚室惕中吉終凶利見大人不利涉大川 金ケロエトとこ 感信乎人以致情激躁妄以計為直直有孚之謂乎 私者則其有孚非孚也室塞不通而已矣孚者誠中 華戾而不自知且妄為已心至誠秉公人皆設偽營 形外身世相信之謂令訟者之有爭自以為孚不能 之惡而不見已之惡見已之長而不見人之長執固 剛而不能柔其用於外險而不能平其情於中見人 訟之繫解亦言有孚剛在外險在內何有孚乎然有

たでリヤヤシ 馬利見大人者使民無訟之君子可以相質也斯時 克巴之力屏自是之心開誠布公舍已從人馬有於 曷亦時惕於中而自省否乎誠惕然自察所謂孚者 乎且罔不吉矣如此而横逆之來强暴之侮仍不息 理之大通於世者乎抑意之自室於已者乎於斯盡 而不為人所陷也非冒險而欲陷人也故云不利沙 之而何訟不正哉然以息争也非以長訟也欲濟險 有聖人而在位東剛健中正之德以臨民聽訟利見 大易酒群 en Li

たらりもし 訟且修徳化民以無訟矣若有訟而聴於大人有大 有終訟之凶乎已為聽訟之大人則東公持正以斷 足謀矣為君子者存有字而去室常惕中而自克何 盡者也終凶之戒盖為君子小人兩示也彼小人不 全者有矣傾側奇哀小人未有不肆害善類 川馬此川在人心方寸之問君子惕中則坦坦 小人終訟嶮戲莫測美明哲保身君子以退避而自 聽訟君子小人是非曲直一見而定亦無終訟之 細 如 <u>Ur</u> 打

得中也終凶訟不可成也利見大人尚中正也不利涉 **彖曰訟上剛下險險而健訟訟有孚室惕中吉剛來而** 大川入于淵也 **象傳釋卦名義曰上剛下險險而健訟上下該內** 悶之學矣何必與小人終訟耶此所以不利涉川 虞倘無大人可以利見君子固有髙飛遠舉遯世無 世惟宜括囊以遠谷耳 已言剛則思凌物險則欲陷人往来侮害而訟成

Chatanat Athan

大易通新

印

乎用柔而近於險反不如剛之易見此又是觀過知 能審已審已而後能度物也惕中者這舍剛以用柔 之吉也訟之有孚而室所以必貴惕中以克已而後 剛而被險抑已險而彼剛或剛險俱在已耶此惕中 仁之論惟以外剛歸內以得中為道如坎之體德方 居心剛以應事亦必致訟此義亦為占者自審果已 矣此就二人言之然亦可就興訟者一人言也險以 能惕中獲吉而釋訟於有訟且消訟於無訟也乾陽

金をじたんご

ていうら ことう 聖人之學得之自成於忠恕陽者忠也陰者恕也馬 道也今顧露於外是亢龍矣惟內存於中如坎中之 徳而言之也終在上九著其不足貴勝猶不足貴况 義也人能體陽而用陰老氏之學得之稍近於權術 陽夾於二陰以陽為體以陰為用此剛來而得中之 不勝平陽剛終亢訟成而知進不知退知存不知亡 往而不臧哉然必戒以終凶者為占者無能叶此體 之剛本是剛健中正純粹以精者犀飛无首用九之 大易更解

t d

見而好偽之忒難測明其終凶而兩示之且為辨流 此等甚多非定剛為君子險為小人蓋強暴之惡易 更甚於剛之外是者矣易為君子謀以兼為小人謀 用險以為終者以為川者可陷人不知適以自陷而 為乾之體德言也不利涉川者或有不用剛之終而 之陽剛健中正聖德而居尊位利見之而何訟之有 知得不知喪亢龍之戒即終之凶耳利見大人乾五 入於淵馬又為陰柔傾邪一種小人而言其終凶將 卷二 沙芝四車至五 象曰天與水違行訟君子以作事謀始 至微也 則言天者必左言水者必東兵其間仍有執固之見 氣以運化於無息乎天水本一物而自有私者視之 象傳曰天與水違行又從訟之源頭說見天運左旋 品之陽惡陰惡明心術之易識難防無不前民用於 似無私而較嗜慾之私更甚天水何與於已且天水 水流東注違行顯然似訟之象然熟知其始之本 大易通解

ノエト 得其性始之一而歸於理之至是不執乎末物之萬 者察事中之理一本而萬殊同條而共貫謀之也必 辭而可以恍然間悟矣訟之本私者作事謀始為凡 謬戾於心争辨於口更甚於庸夫俗士觀乎謀始之 就水言水不相貫通遂成執一此等意見君子學者 何嘗不一左旋與東注者又何當相違而就天言天 而出乎意之各成然後或舍已而從人而不為同或 人私心已見謀也訟之本公者作事謀始為君子學 ί . !- 版主日東全書· 也雖小有言其辯明也 初六不永所事小有言終去象曰不永所事訟不可長 訟之可論哉 初六變為履之初九在履初以陽變陰為訟復之 理得而天地事物無不開成於聖人之一心馬烏有 何也一者元也元者始也易簡之善配至徳易簡之 之末不一而理之本無不一也於此謀之方為善也 因心以制物而不為異此乃知事之不一而理 大易通解 型と

而有無訟之終吉也象傳以為小有言者辨明其理 者不可測矣然以險變悦動而附乎陽交雖不得中 正而所尚亦可嘉矣此所以不永所事無訟終之凶 以理此所以終吉也悦或近於以悦為險則所謂笑 而非訟人以口求勝也亦從悦之體德而言也不永 兌為口故有言初有言故言小不恃險德而能悅之 進而素履無文初入險而不成險故无咎 本文變陰為陽為履以險變說忘險故不永訟事也

歸逋竄也自下訟上患至掇也 九二不克訟歸而逋其邑人三百户无青象曰不克訟 くれうこく イン 若君子則自修在已何輕承人之顔色乎故寧甘守 剛所以能得吉占馬 否而終亨此陰變陽故能包承也 陽而包二陰以承外卦之陽小人用以附君子則吉 所事知不可長而不終訟因初六之變陰險而成陽 九二變否之六二在否二以陰變陽為訟以一陰變 大易通解

金片口匠人一書 訟无情散其黨正所以示公正無私耳大約險雖陰 反陽變陰則食色斯逋陰變陽而同類可包也不克 也似有谷而夏无青馬象傳以為不克訟而歸通窟 不能也更通丧其邑衆至三百户者散其黨同之衆 矣變為柔順之坤體所以不克訟非不願訟欲訟而 在本文以陽變陰為否坎變坤順則失其坎險之據 惡亦必有陽在內方心力足而成險如中無陽而但 正見否之時力弱不足以維持衆心與包承二字相 赵二

上吉也 六三食猪德貞屬終古或從王事无成象曰食猪德從 異順變險陽動陰傷臀無膚其行次且之象然在姤 六三變姤之九三在姤三以陽變陰為訟姤而為訟 為所用何能訟乎此及為主 有陰柔則為靡靡不振之人諸事顏墮人心不附不 變陰雖厲而無大咎也 本交變陰為陽為垢訟而為姤舊德可食守正雖屬 大易通新 朋亡海釋之義為是內卦歸而通户宜就散

金ラロんとこ 義三之變姤以婚媾言乃臣妄共之者故以地道无 聴訟之大人而上九叉為三之正應也姤以初陰版 道也貴於從一以終也言從上古者三陽在外五為 不自居其功為可尚也象傳以為食舊德從王事臣 成之義則無成而大有成正為坎險變異順雖進而 附於陽從王事之象也然宜終安其陰體守地道無 成以示之從君從夫一義也何可新舊移易哉舊徳 亦終吉也三在險體處極位外與乾隣以除變陽而

失也 飲定四庫全書 九四不克訟復即命渝安貞吉象曰復即命渝安貞不 其邑人之象所以主內卦也三變異異進以出險貞 足食即從一而終之義耳 而皆得吉占也 以濟險雖厲終吉也在訟以險而有訟故三爻因變 以上內卦三爻險體初變履而忘除安於素履故吉 二變坤順順亦平險而不克訟且能散私存公有通 大易通解 弄

陰之柔和矣所以亦不克訟觀其復而即命渝變其 公而普矣 所及解散同黨私謀以安服反側之義也則此聚者 聚丘者陰之柔異而進原欲海犀而反以聚丘豈思 在本爻以陽變陰為浜健之剛外者濟以巽之順進 所安之貞固此所謂尚有孚而去室惕乎中而得 合體犀也然以亡朋化黨方得元吉所以海犀而為 四變海之六四在海四以陰變陽為於變陽與陽 次定四軍全書 而已完之渝氣質正以復性命且復即命於性無加 之不失者克全其性命變化其氣質以不失其本心 皆不克成訟馬象傳釋復即命渝安貞但就不失言 之訟雖剛險東成必竟以剛起訟故以陽變陰爻訟 日安於貞固執一而不可化者也能濟乎此吉何如 之復性之義也渝者變化其氣質之功也安貞者平 性即命也命者性之原本求正於理之原本復而即 者也復即命即惕中也本義言復就正理理即性也 790 大易通鄉

九五訟元吉衆曰訟元吉以中正也 離明而得就健所以為貞吉也得正複吉何悔乎必 惕中纔能不失其性命一刻怠斁失之遠矣操存舍 亡慎之哉此爻安貞就執固言斯當渝矣 九五變為未濟之六五在未濟六五以陰變陽為訟 以即其性命之理為復也不失二字深晚學者終身 且德成為名子而有外著之光暉矣然名子之有光 也亦不過復其原命於天者全而界之全而守之蓋 アノハンコミスは 爻而為聽訟之大人合天下而利見之也 致於使民無訟元吉可知矣象傳歸於中正過剛 成訟陽剛渝柔而訟無終矣且剛健變為文明文明 由於有学誠中形外斯獲吉也此與訟之九五以中 而健居於尊位以理乎訟有訟聽之皆得平允必漸 在本文以陽變陰為未濟繫以元吉者陽剛在外而 不中明而不剛則不正剛健文明所以為訟卦之主 正為有孚相通也 大見通哨 五

敬也 金ラビをノニ 上九或錫之鞶帶終朝三褫之象曰以訟受服亦不足 善於訟者也善訟必終訟而膺賞然訟已成不可復 然曰動悔有悔則征告也 而訟斯更加葛藤危殆故有困於葛藟於縣碗之象 在本文以陽變陰為因居訟終健變免外説而內健 上九變為因之上六在因之上爻以陰變陽為訟困 勝而受賞猶不免馬况敗負而不可測乎或錫

受賞而終被褫不存馬援云一資半級雖或得之泉 移者也象傳言受服之貴因訟而致不足敬也總見 離為剛健文明主乎訟卦為大人之德位四近五能 以上外卦三爻健體以之成訟則剛惡也惟九五變 文變兑口在本文似有訟而尚口之象故能以喋喋 不可終訟之義而已再者初在下變兑口在三爻上 之蟹帶絕無而僅有之事終朝三褫之乃一定不可 怒犀猜解有存者雖不以訟言亦可想見世情矣

くこうことに、現

こりの百件

者而一以貫之民吾胞也物吾與也何不歸於一元 道道率於性性命於天由天命人性之原求所謂本 又馬有彼此物我争奪是非之私乎兹於訟之象傳 亦曰天水違行作事謀始亦知本之說也但就 由於大畏乎民之志謂之為知本本者何在事物為 孔子言聽訟猶人使無訟為難無情者不得益其辭 無訟聖人本意也 即命存理渝貞化氣亦吉上則終訟得賞亦凶歸於 汉定四年全書 ~ 始一言聖凡舉莫外矣 馬亦可以謹小慎微而免成訟莫悔之患矣象之謀 貫之道也再下此而初學之人能一事一物必謀始 事物之始俱由此推暨此忠恕之所謀者父之亦 之無不明處之無不當至於賢哲以下不能一貫則 於萬事萬物之始其謀之也豫故一事一物之始知 言慎始者一事一物之始非萬事萬物之始也聖人 **必求得忠恕之道忠以成已恕以通物一心為始而** 大易通解 五

師師乾坤後五陰 坤坎 ź 上下 復 志健巽協而用功修徳為學之本也 懼則德修而學想矣蓋以乾剛變異順剛系濟以存 卦贵陽也在師以二爻主之在比以五爻主之 正成德為訟之主爻聴訟之大人在上位者也四 卦之上上卦之下修德為學之君子也况四多懼 即命 渝安貞之理不繫之五而繫之四者五乃中 陽之卦與比相綜而成根於乾之 在 師

欽定四車全書 ~ 物之靈秀其性一而其質不同清濁厚薄各得於天 比師固衆也此亦因衆而比蓋乾坤之後生人為萬 在三陽三陰四陽四陰之卦後叙以五陰一陽之師 序卦聖傅之未盡者耳 門亦無所繼也叙卦之次第亦有另義無明之以申 比二卦根於乾固陽少貴陽矣乾坤之後先叙四陰| 之卦二為師為比相緣成卦俱自乾坤蘊之出於其 二陽之卦二次叙四陽二陰之卦二方叙五陰 大易通解 五五五 陽

成之象義也蓋師之君在下卦方伯也此之君在上 訟之大者然於卦泉求之則天水訟而地水師有應 卦天子也又各有象義馬○訟之後受以師者師即 陰師二師中之君也比五人中之君也此二卦又各 才之主人中有君又為人之主師比皆以一君主衆 標出者馬天水訟本一而末殊地水師體分而用合 為比爭則為師此師比相反映而見象義也人為三 地不同也質不同則情異為同則黨為異必爭同則 清氣所化所以成為水者正因比附於地之濁故此 行地中後第一位天地育萬物之功能也其後井田 别原隰為九州即用水之源流以正地之區域此水 之道也何以取象為師哉乃從真安水土隨山導 而肇啓其端禹平治水土分疆畫界因山川之形勢 何也坤土坎水始終相附無土則水無所麗矣故天 生水地六成之此理數也然則水之為水本天之 物竟不可離地而自成形質馬此地水體分用合 大易通子 桑 河

金丘丘左重 聚心争所争者小在婚媾飲食斯訟耳所争者大致 師之為師不過言衆而已非必定謂為與我也惟象 之所以聚軍國之所以資何非以水土為基乎所以 出賦從貝者任土作貢也從武者按田出甲也衆庶 之多寡以井計井以溝遂血會計民於是養賦於是 地分田則八家同井其間立國之廣俠以里計而里 封建無不因地水分合而與制立事建倭則五等投 於兵連禍結大抵多因水土之故是以師衆而爭則 卷二

師貞丈人吉无咎 シーラー・シー 慚徳况争地一戰殺人盈野争城一戰殺人盈城乎 丈人吉者年徳俱茂者也其貞可知然所謂吉者不 非負與他卦不同其戒天下後世深矣故湯武猶有 条解言貞不言利師貴於貞而不尚乎利一尚利 **玖中流行之象帥衆行師也此所以取象立卦也** 興教民於行陣進止之際蓋五陰從一陽衆也二居 為行師矣師之為義平居教民於黨序學校之中或 大奶通行 五十七 則'

金人止庫 過无谷而已兵凶戰危无咎即吉也卦德外 為 亡吳之破越旋踵而沼可知師之尚貞不尚利矣 其正以義不以利也若已心不順而毒之師不得其 正以利動也民亦從之而終有咎秦之無併二世而 師 仇 水行地中乃民所以得粒食之象治則師寓於農亂 則險以應之而成訟外順在敵則險以毒之而為 師師與訟俱重在內險險者造訟師之本外健 外順何必毒之毒夫人之不順也斯民從而 在土台 P. 卷二 順 内除 師 在 且 得

沙定四事全書 一家曰師衆也貞正也能以衆正可以王矣剛中而應行 撫眾洵為要哉順之為德載物之厚德也為生民托 疲衆力於疆場其象自昭然耳兵農雖分不遇此象 眾力於耕鑿地不能鎮安乎水水必妄行亂世之兵 乃農悮於師地静水動地能鎮安乎水治世之農盡 地之統既異而衆之生死分順之範圍乎險建德以 貞之古應地無疆者何以盡貞之道乎 命者惟此厚德使衆常静而不動常安而不危非安 \* **67** 人易通解 兲

險而順以此毒天下而民從之吉又何咎矣 損人詐偽百出方自以為神奇莫測也如此方為王 而成師亦以順乎人心合乎天理者用眾而已仍是 師言也治衆於未亂保民於常安方為能以衆正刑 **彖傳釋卦名義曰師衆也貞正也能以衆正不為用** 道治民王道行師故傳之釋內卦險德必歸之於剛 以是措兵以是消此所以為王天下之本也不得已 順化險而全無機械權謀如後世談兵者流利已

欽定四庫全書 得道者多助直必專言二五相應乎一卦五陰無不 當存險於心也惟其內順乎天理之正外順乎人 道也所謂險者乃師之道本險凶危難知必自立於 不敗之地而不求僥倖之功是師為行險之事非謂 以此剛中之徳誅其不應者雖云行險其實大順之 心悦誠服矣亦不必專言用師有時而聲罪致討仍 沈絕非我詐爾虞以剛中為德而衆之應之者盛矣 中而應九二在坎中所以主乎險者未當不知深勇 **基二人的人的** 

**德主於內故天命人心無不順應於內外上下也此** 至用師乃所以毒天下之事也夫以剛中為徳而天 師之所以為貞也然聖人之心終以為兵之征有罪 下響應處險至切而仁人無敵民無不從如此而猶 不戰也退修文德以來之舞干羽以格之而已矣若 不如徳之化不服王者之師有征無戰征而不服亦 以為至順也行師者應之以為至險也皆其剛中之 之公而以師為至險臨事而懼好謀而成天下視之 2 . To ... !! !! 謂之毒天下况乎窮兵瀆武好大喜功以人命為草 管耑以闢土地充府庫為志者毒天下而終以自毒 連城坑則數十百萬毒之烈何如聖人之仁及於百 猶論曲直壯老以决勝負戰國以降弱肉强食屠則 明哉盖自揖讓以後兵事日勝春秋已無義戰矣然 其不得貞正之道有凶無吉不能免咎何待筮而後 世於師致警深切著明殘民為心者一讀易而無幾 可以稍寡其過矣 大易通解 卒

金ラゼをノニー 象曰地中有水師君子以容民畜衆 善保為義無事之日厚其生正其徳養其欲給其求 容民畜衆孟子所謂樂天者保天下之義也即畏天 成而濟物也非以毒天下也故在師不言師而但言 可以容畜之者內無不盡其心外無不備其政本以 者保其國亦此義也君子素位而行樂天畏天総以 象傳曰地中有水師君子以客民畜衆見地水之相 安綏而鎮定此民此衆也非欲其國富兵强為克敵 卷二

所言乃真兵法奈後世誤求之於孫武穰直彼皆竊 宣誇乎孔子云我戰公克祭必受福亦此義耳孔孟 理得其順不用師斯已用師而一怒以安天下之民 中之徳建其極而人皆為應以慮險之思守其國而 自明善人教民七年而民可即我况王天下者以剛 制勝之具也殆仰事俯育之計既足親上死長之義 **表必濟况不能用乎談兵者非止趙括不可信矣○** 取聖賢緒論之餘而出之以能請不正究之能用亦 大易通解 4

金グロたノニーを 使原取於厚載然必能制乎水而後可以容畜乎水 容畜二字包盡治民即我之道其象原取於地水其 後世如漢高聽劉敬之和親亦大事小之善策也不 之善計也不然則煎丹之刺泰矣至如宋之於金元 然則唐太宗之争髙麗矣如錢鏐之歸宋亦小事大 以為事大唐之待藩鎮以為事小則靡弱傾顏不能 以大事小如文王以小事大如太王孟子固有論矣 國堤防弗固河渠壞裂豈可自託於容畜乎故云

為容畜第一義也明矣况土厚則水深必不横流土 言師而但言容畜就其本源明其義而已〇容畜之 禹經綸草昧另為平成一番而水方復歸渠行乎地 弘長矣上失其道至於民亂亂民何能久乎必有神 弱而水横流其涸也亦可立而待蓋土弱水亦不能 道在乎厚徳而坤之厚徳在乎資生然則厚民之生 民猶水也可以載舟可以覆舟衆之象也土所以統 水也地中則安瀾地上則横決容畜之象也故象不

**灰足四車全書** 

大易通解

江

初六師出以律否臧山象曰師出以律失律山也 ノニナノモ・ル 凶可知矣初隨陽而往陽即剛中剛中即律也又 其否臧者險體變兑內險而許外以苟且取悦為隨 咸臨同九二以治四陰故曰咸亦無變師臨衆之象 示初出而以律與否正弗正之大關也不正則否減 在本爻以陰變陽為臨初陰隨陽以其始進故以律 中然社稷已墟而民已殘矣 初六變臨之初九在臨陽變陰為師初陽臨陰取義

次正四 車全書 也王三錫命懷萬邦也 九二在師中吉无咎王三錫命象曰在師中吉承天寵 利之有 者有柔順中正之德故其體直其用方合體用以言 大也不習无不利徳性成不待習有體以制用何 九二變坤之二在坤二以陰變陽為師繫以直方大 失律言凶也 於貞之道失矣貞失即否臧矣所以凶焉故象亦以 大易通解 华

剛中之道東之自己者也及君寵即及天龍其寔天 重叠也象傳曰在師中吉承天寵也言寵來自君而 在本文以陽變陰為坤以剛中之德而又濟之柔順 他自貞耳王三錫命宣有名營功利臣竊敷名之私 為一卦之主爻故繫之以在師之中中者正也中而 下皆應五雖君而亦應即師之臣矣三錫命者中命 正所以貞貞所成吉而无咎王指五言為二正應在 二臣道也五君道也在卦體則以一陽統率五隂上

いい 日日 人は、 六三師或與尸凶象曰師或與尸大无功也 樂天者保天下也二在師中以一陽御衆陰有衆而 容畜也不必用師以毒天下弘宣徳意化服荒遠亦 計哉所以令其懷保萬邦容畜民衆也懷之為懷即 六三變升之九三在升三以陽變陰為師巽變為險 師之辭師期無師之義云耳 而胃進貪功故有升虚邑不得其所之象如宋之從 不恃眾居險而不忘險吉而无咎王因錫命皆無用 大易通解 窊

金ケロルとう 道也必皆附於二爻之中初得律而三有功矣 律三變升進而凶皆致謹於冒進貪功師期無師之 為陽剛中正主乎一卦以帥犀陰故吉初變臨戒以 參看於此猶的○以上內卦三爻險體在師中以二 也文言與尸之山泉傳必大無功理有必然矣二文 在本文坎變異為升在師以變升忘除而進亦此象 此爻之戒也 九滅金僅得空城漢之求大宛之馬而師老財匱即

六四次左次无咎象曰左次无咎未失常也 為左次之繫而以无咎明之凡陰瘦陽應進而退者 六四瘦解之九四在解四以陽瘦陰為師坤變震以 皆以弱為强以柔為剛師之善道用老氏而不遠於 惟其能進而不進如晉之避舍於楚齊之歸田於魯 在本文以陰變陽為解兵以解釋為吉交結為凶故 孚不言吉凶而孚即吉也 陽主二陰故有拇泉朋至即二陰也二陰相從而

スプロラスはいち

W

大易通解

上

曰長子帥師以中行也弟子與尸使不當也執言古本 六五田有禽利執言无谷長子師師弟子與尸貞山泉 盈滿期於祇平而已亦以无咎為吉水之性至平以 聖賢者也所以象傳以為未失常也常者師以陰道 六五變為坎之九五在坎五以陽變陰為師取水不 在師為然 為常道即正道也亦得乎貞之義者也无谷即吉也 盈滿則溢如恃衆驕亢則危矣

2. 7. 1 7.1. 說出師在乎命將命將在乎專任如樂羊之伐中山 爻擊以三錫命也再釋執之為義又有堅固不遷之 邦馬執本義謂搏執而言義置之無釋愚謂執言即 不可輕身從禽以貪利惟利執言命將錫命以懷萬 重臉為師主者不可不加謹也於此而有貪得之 在本爻以陰變陽為坎內外俱險以象至險中又值 則必忘險而失順凶谷立至矣故繫以田雖有禽而 二錫命如古誓語之屬反複告誠之詞命也所以二 大易通節 ż 念

金好匹库在書 無凶吉既云執 言无咎復分其途以示戒用人惟專 貼城似執言又無慎簡將帥知之明方可任之專唐 亦凶老成謀國必不輕啟兵震少年好事多有躁動 即吉也復繫之長子的師而貞則吉弟子與尸雖 執言而成功樂毅之伐齊不執其言而敗績執言洵 專任惟賢決審在一心而禍福在一國可不慎乎帥 任人之善計豈止用師閩以外原將主之耳无咎亦 任裴度而平察宋以任童贯而亡國專任之義實 贞

久下可長 至 正功也小人勿用心亂邦也 上六大岩有命問國承家小人勿用象曰大君有命以 哉象傅曰長子的師以中行也如二之剛中可以任 之權與矣聖人之意師期無師於君於帥何其惟切 丧敗在彼仁人且恤之君子且危馬若自我而覆軍 之也若男子之使必至與尸何當於使乎 辱國或竟爾丧亡凶何如乎皆兵凶事而易言之為 師不重在貪功獲利而重在修德弭兵至於與尸即 大見前群 1

金ラモルっこ 耳大君於此命彼萬邦**犀后方令征誅之事**已息治 封建諸侯分理民衆以擴容畜之心以弘厚徳之載 馬丈人長子則必任弟子小人則勿用為君者選擇 安之謀肇行公族之國於是開卿大夫之家將繼承 師而至上放馬歸牛示天下以不復用武之時惟有 在本文以陰變陽順而能正亦師不窮瀆之義也且 不為冠之戒兵刑皆教化之副俱不可專任也 上六變蒙之上九在蒙上以陽變陰為師辭申樂冠

次と日もこう 廢武備所以雖言師而不尚師也於上之一爻不尤 此方為水行地中地能容畜乎水聖人修文德而不 賢良而宣徳布惠為臣者保守寵命而輔世長民務 被用必先言利次言刑次言兵言利則財聚民散 次及於致亂亡以危社稷禍終及小人之身小人之 深明其訓哉 為勝殘去殺人安長治之計險雖設而不恃衆惟保 以永懷斯能拜亂消兵德盛化神而師常寓於農矣 用小人必首及於除君子以污朝廷 大易通解 充

險故知人善任歸成功於修德凝道也四之左次行 也故以必亂決言之以示戒於師之終馬 矣小人勿用必亂邦恐功已成邦已定而小人復亂 象傳曰大君有命以正功謂功成而善守則功得正 **教覆轍固前後相繼也** 以上外卦三爻坤體以五爻柔順中正主之變坎知 開疆展界之計構禍啓釁之為而內離外叛不可復 心不服故言刑以督責之而民愈無所措手足再有

<b>)</b> ~	<del></del>	r - 1	i	1 '	٠ ,		
XXV ) TIBL XIA.10			うでは自	と可上市明典师と旨子	師之外卦於	此開國承白	師陰道之
			ずんだして	<b>明兵 师と</b>	<b>医體為師</b>	<b>豕可以終</b>	1上則功
大易近解			- 1 - 3	5	創業垂統引	師而太平台	成業就而五
六十九					師之外卦陰體為師創業垂統計者深矣然合觀六	此開國承家可以終師而太平矣但勿輕用小人因	師陰道之常上則功成業就而天命人心胥和矣以
					龍大	人因	和矣以

大易通解卷二	age and the second seco	
		, X-
		-